

**Datos Do Expediente:**

XUNTA DE GOBERNO LOCAL	
Unidade Tramitadora:	
Organos de Goberno e Central -	
Número expediente:	Documento:
AYT/XGL/6/2022	GOB16I03L
1K6F3N0W4K5N2S6D0LQA	

ACORDOS DA XUNTA DE GOBERNO LOCAL, DE DATA DEZASETE DE FEBREIRO DE DOUS MIL VINTEDOUS

<p>SRES/AS ASISTENTES:</p> <p><u>SRA ALCALDESA-PRESIDENTA:</u> MARIÁN FERREIRO DÍAZ</p> <p><u>SRES/AS CONCELEIROS/AS:</u> D/D^a GUILLERMO SANCHEZ FOJO D/D^a MANUEL ANTONIO RAMOS RODRIGUEZ D/D^a ROMAN ROMERO FRANCO D/D^a MARIA DE LA MERCED TAIBO REY D/D^a M.DEL MAR GOMEZ CASAL D/D^a JOSE OREONA BRA D/D^a JOSE DAVID PITA BREIJO</p> <p><u>SRA. INTERVENTORA XERAL:</u> D/D^a MARIA DEL PILAR CANZOBRE MÉNDEZ</p> <p><u>SR. SECRETARIO XERAL:</u> D/D^a ALFONSO DE PRADO FERNÁNDEZ-CANTELI</p>	<p>Na casa do Concello de Narón, ás 11:00 do dezasete de febreiro de dous mil vintedous, baixo a presidencia da Sra. A ALCALDESA-PRESIDENTA, MARIÁN FERREIRO DÍAZ, reúnese a Xunta de Goberno Local en sesión ordinaria. Asisten os/as corporativos/as que se sinalan á marxe.</p> <p>Actúa de secretario ALFONSO DE PRADO FERNÁNDEZ-CANTELI, O SECRETARIO XERAL.</p> <p>Aberta a sesión de orde da presidencia adoptáronse os acordos seguintes:</p>
--	---

1º.- APROBACIÓN, SE PROCEDE, DA ACTA DA SESIÓN ANTERIOR

Dada conta da acta da sesión anterior, a Xunta de Goberno Local, deulle a súa aprobación.

2 .- PROPOSTA DE APROBACIÓN INICIAL DO PROXECTO DE URBANIZACIÓN DA ÁREA DE REPARTO PP.12 (PU-1/2022).-

(...)

Primeiro.- **Aprobar inicialmente** o proxecto de urbanización da área de reparto P.P.12, redactado polo arquitecto Alfredo Garrote Pazos e o enxeñeiro técnico industrial José Manuel Facal Fariña, e promovido por Landcompany 2020, S.L., presentado o 10.01.2022 e complementado o 31.01.2022.

Segundo.- Someter o proxecto de urbanización anteriormente citado a información pública durante o prazo **dun mes**, mediante anuncio no BOP, nun dos xornais de maior difusión da provincia, así como no taboleiro de edictos deste Concello, para que os interesados poidan examinalo e formular as alegacións/suxestións que estimen pertinentes.

Terceiro.- Solicitar, simultaneamente ao período de información pública, e de conformidade co informe do arquitecto municipal, os informes e autorizacións sectoriais preceptivas do Servizo de Estradas da Xunta (Axencia Galega de Infraestruturas, AXI) (AC-862), do Servizo de Enerxía e Minas da Xefatura Territorial da Coruña, da Consellería de Economía, Empresa e Innovación da Xunta de Galicia, do administrador de

Infraestruturas Ferroviarias (ADIF, Ministerio de Transportes, Mobilidade e Axenda Urbana) e de AESA (servidumes aeronáuticas).

Cuarto.- Logo do trámite de información pública e de obtención dos informes e autorizacións sectoriais preceptivos, e previamente á aprobación definitiva do proxecto, incorporaranse todas aquelas cuestións que deban ser tidas en conta, ademais das seguintes:

- Axustarase a ubicación dos puntos de alumeado público fóra do alcance dos vehículos nas zonas de aparcadoiro, e revisión de condutores (instalación que se realizará en cobre, tendo en conta a ITC-BT-09 do REBT), en atención ás recomendacións do informe do Xefe dos servizos básicos e mantemento municipais do 31.01.2022.
- Conservaranse os exemplares vexetais existentes que sexan compatibles coa ordenación prevista nas zonas verdes e espazos libres, con especial cautela cos de maior porte, e previamente ao inicio da obras efectuarase inspección para o seu inventariado xunto cos servizos municipais competentes.
- O reformulo da sinalización viaria coordinarase coa Policía Local.

Ademais, previamente á aprobación definitiva do proxecto de urbanización deberá xustificarse a demolición dos inmobles situados na parcela resultante ZV-1 destinada a zonas verdes e espazos libres e identificada coa referencia catastral 6181701NJ6168S, en cumprimento da súa obriga de entregala libre de cargas, gravames e arrendatarios (expediente municipal EDI/2006/2021).

Quinto.- Notificar individualizadamente estes acordos aos propietarios afectados.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

3 .- DAR CONTA DUNHA RESOLUCIÓN DA ALCALDÍA QUE APROBA A SOLICITUDE DE SUBVENCIÓN Á CONSELLERÍA DE CULTURA, EDUCACIÓN E UNIVERSIDADE DESTINADAS ÁS ENTIDADES LOCAIS DE GALICIA, TITULARES DE BIBLIOTECAS INTEGRADAS NA REDE GALEGA DE BIBLIOTECAS PÚBLICAS DE GALICIA, CONVOCADAS PARA O ANO 2022 (CÓDIGO DE PROCEDIMENTO CT235A).- Dase conta da

Resolución da Alcaldía que di así:

RESOLUCIÓN DE ALCALDÍA

Visto o informe-proposta de resolución cuxa literalidade se transcribe a continuación:

“ASUNTO: Solicitud de subvención á Consellería de Cultura, Educación e Universidade destinada as entidades locais de Galicia titulares de bibliotecas e/ou axencias de lectura públicas, integradas na Rede de bibliotecas públicas de Galicia, para a adquisición de novidades editoriais (programa A) e para mellora das coleccións no marco do Plan de recuperación, transformación e resiliencia (programa B), ambas en formato físico, e se convocan para o ano 2022 (código de procedemento CT235A).

A Xefa do Servizo Sociocomunitario Municipal, Yolanda Martínez García, en relación co expediente relacionado no asunto emite o seguinte informe-proposta:

ANTECEDENTES:

A Consellería de Cultura , Educación e Universidade no DOG nº 24 de 04/02/2022 publica a orde de 31 de decembro de 2021, pola que se establecen as bases reguladoras das axudas as entidades locais de Galicia titulares de bibliotecas e/ou axencias de lectura públicas, integradas na Rede de bibliotecas públicas de Galicia, para a adquisición de novidades editoriais(programa A) e para mellora das coleccións no marco do Plan de recuperación, transformación e resiliencia (programa B), ambas en formato físico, e se convocan para o ano 2022 (código de procedemento CT235A).

Co obxecto de solicitar os dous programas subvencionables que regula a orde; Programa A.(Subvencións para a adquisición de novidades editoriais en galego en formato físico); Programa B.(Subvencións para a mellora das coleccións bibliográficas), o Servizo Sociocomunitario Municipal elabora dúas memorias.

O procedemento de concesión destas subvencións tramítase mediante o réxime de concorrencia non competitiva.Na súa virtude, para a concesión das subvencións, ratearase o orzamento existente entre as entidades solicitantes que cumpran as condicións establecidas, en función do número de bibliotecas e/ou axencias de lectura públicas de titularidade municipal con que contén e da poboación do concello, ao abeiro do disposto no artigo 19.2 da Lei 9/2007, do 13 de xuño, de subvencións de Galicia. Para o programa B, ademais das devanditas condicións, establécese un mínimo de 1.500,00€ por biblioteca ou axencia de lectura.

Se ben a Xunta de Goberno Local ten delegada a competencia para aprobar a solicitude de subvencións a outras administracións públicas, o calendario de celebración de sesións deste órgano, e os prazos establecidos para a súa tramitación imposibilitan a súa aprobación na sesión que lle correspondería, sendo preciso acelerar a tramitación do expediente; Pola forma da tramitación por parte da Secretaría Xeral de Cultura



(concorrenza non competitiva, e na súa virtude, ratearase o orzamento existente entre os solicitantes que cumplan as condicións establecidas en función do número de bibliotecas de titularidade municipal con que contén e da poboación do concello).

Neste senso, a Lei 40/2015, de 1 de outubro, de Réxime Xurídico do Sector Público, no seu artigo 10 establece: "1. Los órganos superiores podrán avocar para sí el conocimiento de uno o varios asuntos cuya resolución corresponda ordinariamente ou por delegación os seus órganos administrativos dependentes, cando circunstancias de índoles técnica, económica, social, xurídica o territorial o fagan conveniente. (...) 2. En todo caso, la avocación se realizará mediante acordo motivado que deberá ser notificado a los interesados en el procedemento (...).

En aplicación do anterior, corresponde a Alcaldesa a avocación da delegación para a aprobación da solicitude de subvención na Xunta de Goberno Local, debido á urxencia de realizar este trámite, sen prexuízo de dar conta á Xunta de Goberno Local de dita aprobación e do acto de avocación.

FUNDAMENTOS XURÍDICOS:

- Lei 7/1985, de 2 de abril, Reguladora das Bases do Réxime Local
- Lei 38/2003, de 17 de novembro, Xeral de Subvencións
- Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións
- Lei 9/2007, de 13 de xuño, de subvencións de Galicia
- Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.
- Lei 27/2013, de 27 de decembro, de racionalización e sostenibilidade da Administración Local
- Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostenibilidade da Administración Local.
- Lei 39/2015 de 1 de outubro, del Procedemento Administrativo Común de las Administraciones Públicas.
- Lei 40/2015, de 1 de octubre de Réxime Xurídico das Administracións Públicas.
- Orde de 31 de decembro de 2021 da Consellería de Cultura, Educación e Universidade
Publicada no DOGnº24 de 04-02-2022.

POR TODO O EXPOSTO, A XEFA DO SERVIZO SOCIOCOMUNITARIO MUNICIPAL, YOLANDA MARTÍNEZ GARCÍA, PROPON A ALCALDÍA QUE RESOLVA

1º.- Avocar a competencia delegada na Xunta de Goberno Local para Solicitar a subvención á Consellería de Cultura, Educación e Universidade destinada as entidades locais de Galicia titulares de bibliotecas e/ou axencias de lectura públicas, integradas na Rede de bibliotecas públicas de Galicia, para a adquisición de novidades editoriais(programa A) e para mellora das coleccións no marco do Plan de recuperación, transformación e resiliencia (programa B), ambas en formato físico, e se convocan para o ano 2022

2º.- Aprobar a solicitude de subvención á Consellería de Cultura, Educación e Universidade, para os dous programas referenciados no parágrafo anterior:A) Subvencións para a adquisición de novidades editoriais en galego en formato físico,B) Subvencións para a mellora de coleccións Bibliográficas, de acordo co seguinte desglose:

Importe total dos dous programas :		
Programa A: Adquisición de novidades editoriais en galego en formato físico.		2.500,00€
Programa B: Mellora de coleccións Bibliográficas.		1.500,00€
Achega do Concello para o exercicio 2022		0,00 €
Subvención solicitada á Consellería de Cultura, Educación e Universidade	100%	4.000.00 €

3º.- O importe da subvención en caso de ser concedido por debaixo da cantidade solicitada, non suporá a renuncia á subvención, e financiarase con cargo á aplicación orzamentaria 3321 62900

4º.- Nomear a Dona Marian Ferreiro Díaz, Alcaldesa-Presidenta, representante para as relación desta entidade coa Consellería de Cultura, Educación e Universidade no refente a esta solicitude de subvención.

5º.- Dar conta da resolución á Xunta de Goberno Local."

E unha vez tomada razón pola Intervención municipal en data 09/02/2022, documento de intervención(ICO16I028) do expediente ENS/8/2022, esta Alcaldía, en uso das atribucións que lle confire a Lei Reguladora das Bases do Réxime Local e demais normativa concordante e de conformidade cos servizos xurídicos, **RESOLVE:**

Aprobar o informe-proposta anteriormente transcrito nos seus mesmos termos

Ante min.
(Dou fe da identidade do asinante)

Asinado dixitalmente por:
A alcaldesa-presidenta
Marián Ferreiro Díaz
09/02/2022

Asinado dixitalmente por:
O secretario xeral
Alfonso de Prado Fdez.-Canteli.
09/02/2022

A Xunta de Goberno Local, deuse por enterada.

4 .- PROPOSTA DE SOLICITUDE DE SUBVENCIÓN PARA A FINANCIACIÓN DOS GASTOS DE PERSOAL DA OFICINA DE TURISMO DE FREIXEIRO 2022..- Vista a proposta formulada que di así: A Técnico de Promoción Económica e Programas de Cooperación, en data 08/02/2022, elevou a esta Alcaldía o informe-proposta de código ASI16I01O que di:

“

<i>TIPO DE DOCUMENTO</i>	<i>Informe-Proposta de Acordo de Xunta de Goberno Local</i>
<i>EXPEDIENTE</i>	<i>ASI/11/2022: Subvención para a financiación dos gastos de persoal da Oficina de Turismo de Freixeiro 2022</i>
<i>DESTINATARIO</i>	<i>Alcaldía / Servizos Económicos</i>
<i>ASUNTO</i>	<i>Solicitud de subvención</i>

No BOP n.º. 18 do 27 de xaneiro de 2022, publicáronse as bases específicas reguladoras da convocatoria de subvencións dirixidas a concellos e agrupacións de concellos da provincia da Coruña de menos de 50.000 habitantes para o financiamento do gasto de persoal das oficinas de turismo durante o exercicio 2022, complementadas coa publicación no BOP n.º. 25, do 7 de febreiro de 2022, do extracto da convocatoria dese mesmo programa.

A efectos de acollerse a dita convocatoria, o Departamento de RRHH emitiu un informe (código PER16I0HP) de custos do persoal encargado de prestar o servizo, en réxime de persoal laboral do grupo LII e entre xuño e setembro, ambos incluídos:

- Dúas persoas, cada unha delas ao 68% da xornada (25,5 h. semanais).

Á vista do informe emitido, resulta un custo total de 18.869,76 €.

Resultan de aplicación, para solicitar a subvención, os seguintes

FUNDAMENTOS DE DEREITO:

- Resolucións da Alcaldía, do 25 de xuño de 2019, sobre designación de Tenentes de Alcalde, delegados da alcaldía, membros da Xunta de Goberno Local e das delegacións feitas pola Alcaldía na Xunta de Goberno Local. Nesta resolución, a Alcaldía-Presidencia delega na Xunta de Goberno Local, entre outras facultades, a solicitude de subvencións a outras administracións públicas, así como a súa aceptación e xustificación, no seu caso.

- Bases de execución dos Orzamentos do ano 2022 (orzamento 2021 prorrogado). Concretamente a base 52, apartado 2, sinala que as solicitudes de subvencións ou propostas de achega a outros organismos ou institucións que se sometan á aprobación da Xunta de Goberno Local deberán ir acompañadas dun plan de financiamento con indicación das cantidades correspondentes, no seu caso, á achega do Concello e das aplicacións orzamentarias de procedencia. A tal efecto, quen subscribe elaborou o plan de financiamento adxunto de código ASI16I01N. Logo da publicación da concesión definitiva da subvención, procederá a xeración do importe concedido nas aplicacións orzamentarias sinaladas en dito plan.

Polo anteriormente exposto, quen subscribe solicita á Alcaldía-Presidencia que someta a debate e votación da Xunta de Goberno Local a seguinte

PROPOSTA DE ACORDO:



PRIMEIRO: Aprobar o seguinte plan de financiamento provisional (que aquí se amosa resumido) para a “Subvención para a financiación dos gastos de persoal da Oficina de Turismo de Freixeiro 2022”, de acordo co establecido no informe adxunto de código ASI16I01N e que aquí se amosa resumido:

Proxecto	Financiación dos gastos de persoal da Oficina de Turismo de Freixeiro 2022
Importe total	18.869,76 €
Financiamento externo	18.869,76 €
Achega municipal	-

Antes da selección e contratación do persoal suxeito a esta convocatoria se terá en conta a súa procedencia tendo en conta o establecido no Real decreto-lei 32/2021, do 28 de decembro, de medidas urxentes para a reforma laboral, a garantía da estabilidade no emprego e a transformación do mercado de traballo.

SEGUNDO: Solicitar da Excm. Deputación da Coruña a Subvención para a financiación dos gastos de persoal da Oficina de Turismo de Freixeiro 2022, por importe de 18.869,76 €.

“

Visto dito informe e logo da toma de razón da Intervención deste Concello, segundo o documento adxunto de código **ICO16I029**, esta Alcaldesa propón á Xunta de Goberno Local:

Adoptar o acordo segundo a proposta transcrita en todos os seus termos.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

5 .- PROPOSTA DE APROBACIÓN DO PADRÓN FISCAL DAS TAXAS POLA INSCRICIÓN NOS CURSOS E ACTIVIDADES DAS INSTALACIÓNS DEPORTIVAS DO MES DE FEBREIRO DE 2022.- (...)

PRIMEIRO: Aprobar o padrón fiscal das taxas pola inscrición nos cursos e actividades das instalacións deportivas do mes de febreiro de 2022, cun importe de 22.589,37 € e 1.169 contribuíntes.

SEGUNDO: Os padróns quedarán expostos ao público no Concello durante o prazo de 15 días, a contar desde o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102 da Lei 58/2003, xeral tributaria, e no artigo 75 da Ordenanza Fiscal nº 1 xeral de xestión, recadación e inspección.

TERCEIRO: Durante o período de exposición pública, contra as liquidacións incorporadas ao padrón, todos os interesados poderán interpoñer as reclamacións ou alegacións que consideren pertinentes ante a alcaldía.

CUARTO: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, no prazo DUN MES contado desde o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-Administrativo de Ferrol, recurso contencioso-administrativo, no PRAZO DE DOUS MESES contados desde o día seguinte ao da notificación da devandita resolución. De non recaer resolución no PRAZO DUN MES a contar desde o día seguinte ó da presentación do recurso de reposición, en virtude do disposto no artigo 14.2 do Texto Refundido da Lei das Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do

Procedemento Administrativo Común das Administracións Públicas. Non obstante, si se considera convinte, poderán utilizar e exercitar calquera outro recurso que estimen pertinente.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

6 .- PROPOSTA DE APROBACIÓN DO PADRÓN FISCAL DAS TAXAS POLA UTILIZACIÓN DE INSTALACIÓNS DEPORTIVAS DO MES DE FEBREIRO E DO ADICIONAL DO MES DE XANEIRO DE 2022.- (....)

PRIMEIRO: Aprobado o padrón fiscal das taxas pola utilización das instalacións deportivas, do mes de febreiro de 2022, por importe de **6.863,50 € e 42 recibos.**

SEGUNDO: Aprobado o padrón fiscal adicional das taxas pola utilización das instalacións deportivas, do mes de xaneiro de 2022, por importe de **1.109,75 € e 26 recibos.**

TERCEIRO: Os padrones quedarán expostos ao público no Concello durante o prazo de 15 días, a contar desde o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102 da Lei 58/2003, xeral tributaria, e no artigo 75 da Ordenanza Fiscal nº 1 xeral de xestión, recadación e inspección.

CUARTO: Durante o período de exposición pública, contra as liquidacións incorporadas aos padrones, todos os interesados poderán interpoñer as reclamacións ou alegacións que consideren pertinentes ante a alcaldía.

QUINTO: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, no prazo DUN MES contado desde o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-Administrativo de Ferrol, recurso contencioso-administrativo, no PRAZO DE DOUS MESES contados desde o día seguinte ao da notificación da devandita resolución. De non recaer resolución no PRAZO DUN MES a contar desde o día seguinte ó da presentación do recurso de reposición, en virtude do disposto no artigo 14.2 do Texto Refundido da Lei das Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións Públicas. Non obstante, si se considera convinte, poderán utilizar e exercitar calquera outro recurso que estimen pertinente.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

7º.- ROGOS E PREGUNTAS

Non se formularon.

V. e pr.

F_FIRMA_96

F_FIRMA_4